



საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის მინისტრის

ბ რ ძ ა ნ ე ბ ა



KA030161802238122

№ 01-61/თ

06 / თებერვალი / 2022 წ.

საქართველოში იმუნიზაციის ექსპერტთა ეროვნული ტექნიკური საბჭოს შექმნის
შესახებ

ქვეყანაში ადამიანის ჯანმრთელობისათვის უსაფრთხო გარემოს უზრუნველყოფის მიზნით, ჯანმრთელობის მსოფლიო ორგანიზაციის რეკომენდაციის, „საზოგადოებრივი ჯანმრთელობის შესახებ“ საქართველოს კანონის 31-ე მუხლის პირველი პუნქტის „ა“ და „ბ“ ქვეპუნქტების, „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს დებულების დამტკიცების შესახებ“ საქართველოს მთავრობის 2018 წლის 14 სექტემბრის N473 დადგენილებით დამტკიცებული დებულების მე-2 მუხლის „გ“ ქვეპუნქტის „გ.ბ“ ქვეპუნქტის, მე-6 მუხლის მე-2 პუნქტის „ო“ და „ჟ“ ქვეპუნქტებისა და 21-ე მუხლისა და საქართველოს ზოგადი ადმინისტრაციული კოდექსის 61-ე მუხლის შესაბამისად,

ვ ბ რ ძ ა ნ ე ბ ა:

1. შეიქმნას სათათბირო ორგანო - საქართველოში იმუნიზაციის ექსპერტთა ეროვნული ტექნიკური საბჭო და მისი შემადგენლობა განისაზღვროს თანდართული დანართის შესაბამისად (დანართი №1).
2. დამტკიცდეს საქართველოში იმუნიზაციის ექსპერტთა ეროვნული ტექნიკური საბჭოს დებულება (დანართი №2).
3. ძალადაკარგულად გამოცხადდეს „საქართველოში იმუნიზაციის ექსპერტთა ეროვნული ტექნიკური საბჭოს შექმნის შესახებ“ საქართველოს შრომის, ჯანმრთელობისა და სოციალური დაცვის მინისტრის 2014 წლის 30 ივლისის N01-185/თ ბრძანება.
4. ბრძანება ძალაშია ხელმოწერისთანავე.

საქართველოს ოკუპირებული
ტერიტორიებიდან დევნილთა, შრომის,
ჯანმრთელობისა და სოციალური დაცვის
მინისტრი

ხელმოწერილია/
შტამგზავსულია
ელექტრონულად



ზურაბ აზარაშვილი